

2262
001
737

Dup.

Qahr al-wujūh al-
abisah

نسب چرا که قبائل قریشدن ایدوکنی

ذکر حقند، اولان تواریخدن قهر

الوجوه العابسه نام کتاب

منیفک ترجمه مرغوبه

سیدر

م

طبع ونشری امتیازی صاحبنه عائد دز





﴿ بسم الله الرحمن الرحيم ﴾ *

حمد و ثنا اول خالق جميع موجوداته که کتاب مشهور دنده
(يا ايها الناس انا خلقناكم من ذكر وانثى وجعلناكم شعوبا
وقبائل لتعارفوا) بيوردي دخی صلوة وسلام اول
سبب ایجاد انام و دريکتهای بنی آدم محمد مصطفی صلی الله
تعالی عایه وسلم افتد من حضر تلرینه اولسونکه جناب
کرد کار امور زکار (اولا لاولا لما خلقت الافلاك) حدیث
قدسیسی مفاد نیجه ایجاد کائناته مبداء اتخاذا بیوردي
دخی آل واصحابنه اولسونکه احادیث عدیده ايله قدر
ومنزلترین ترفیع بیوردي * و بعد * معلوم اوله که کتب
تواریندن قهر الوجوه العباسه نام کتابک جمع و تألیفی

فخر الامر اءو عمدة الكبراء اسكنه ر زمان خاتم الوقت والا
وان فرع تلك الشجرة الزكية وطرا ز عصابة الاعد نانية
رضوان بك حضر تلى التماس ايتك جهته مصنف رجه
الله تعالى حضر تلى مرحوم امام الهمام شهاب الدين
احمد الصفدى حضر تلى نك تأليف كرده سى بولنان وقايع
غريبه بى شامل رساله عجيبه سنده تلخيص ومؤلفات
كثيره وتوارى مخ حجه دن جمع وتأليف ايدوب كتاب
مذكور نسب طائفة چراكسه اولاد اسمعيل بن ابراهيم
عليهما السلام دن نشئت ايدن قبائل قريش دن ايدوكنى
وقبائل مذكوره زمان بعثتند وبعثتند اول وصكره
شرق وغربده تفرع ايل نك ذكرينى اسلوب اختصار
اوزره مشتمل وبرمقدمه يدى فصل و برخاتمه بى حاوى
اولد يغبى حالده مرتب بر كتاب منيف ومعمد ونادر المثل
اولوب انجق عربى العبارة اولق وهر كس استفاده
ايد ميه جكى ظاهر بولمق ملا بسه سيله اثر و يادكار
اولق اوزره زوائدنى طرح وما لنى درج ايدرك من غير حد
ترجه سنده مبادرت اولندى (الله الموفق) مقدمه آدم عليه
السلام دن اول مبدأ كونك تبركاز كرى حقنده در فصل
اول آدم عليه السلامى وبيت شريفى بنا رنده كندوسى

واولاد لری ایچون اولان ماجرای ذکر و بیان حقننده در
 ❖ فصل ثانی نوح علیه السلامی و طوفانی مختصر
 جه اوله رق ذکر حقننده در ❖ فصل ثالث ابراهیم
 علیه السلامی و بیت حرامی بناء بیوردیغنی اجمالاً ذکر
 حقننده در ❖ فصل رابع اسماعیل علیه السلامی
 و نسلندن عربک ظهورینی و کندولریچون وقوعبولان
 حربلری ذکر حقننده در ❖ فصل خامس اولاد اسماعیل
 علیه السلامک بیت حرامک خدمتی اوزره منا
 و بهلرینی و قبائل اخری ایله وقوعبولان قتاللرینی ذکر
 حقننده در ❖ فصل سادس قریشک اولاد اسماعیل
 علیه السلامدن ظهورینی و اسلام و بشت زماننه
 د کین بیت و مسجد حرام خدمته اقتدارلرینی ذکر
 حقننده در ❖ فصل سابع عمر بن الخطاب رضی الله
 عنه الوهاب افندمن حضرتلرینک خلافتی زماننده قبائل
 قریشک اطراف و اقطارده آیرلد قلمرینی ذکر حقننده در
 ❖ خاتمه ❖ بو کتابده مطمح و مطلب اعلی خاتمه در
 چونکه خاتمه ده قسطنطینک پدری عظیم الروم (هرقل)
 نام قرالک زماننده قبائل قریشدن بلاد رومه سیر و فرار
 ایدن و ایام خلفاء عباسیه ده واندن صکره تادولت

بنی ایوب منقرض اولوب یدی یوز سکسان درت تار یخنده
دولت چرا کسه ایله قائم ملک ظاهر سلطان (برقوق
بن آنص الحرا کسی البغاری العثماني) استیلاً ایدنبجه
دیار اسلامه عود و رجوع ایدن کسمنه لر و مر قوم
برقوق ک حسبی ونسبی و قریشه اتصالی ور و مدن دیار
مصره کلسی و کندوسندن صکره تحت سلطنته جلوس
ایدن ملوک چرا کسه و اولاد لری دولتلر ینک طقوز یوز
یکرمی اوچ تار یخنده انقراضنه قدر مذکور و مسطور در
اشبو تألیف بعنایة الله تعالی مراده موافق اولق جهته
جناب حق وجه کریمچون خالص وهر عیب و کتو
وصفدن سالم بیوروب قبول ایله تلقی و قارشولیان ذوات
کرامی و علی الخصوص جمع و تألیفه اشارت ایدن ذات
جلیل الشانی فائده اندیر سین زیرا واجب الوجود تعالی
دیلدیکی شیئه قادر و اجابته لابق و سزادر

❖ مقدمه ❖

مبدأ کونی و عدمدن وجوده سبب ایجادینی ذکر حقنده در
برشی موجود اولدیغی حالده واجب تعالی و تقدس
حضر تلمری وار و بر اولوب بر کتز مخفی اولدیغندن
(کنت کتز الم اعرف فاحیت ان اعرف فخلقت

الخلق وتعرفت اليهم في عرفوني) حديث قدسي في خواسته
 بلنكه محبت يزداني تعلق ايتك جهته مو جوداتي ايجاد
 مراد ايدوب نور صمدانيدسندن برقبضه نور اله رق
 (كوني محمدا) يعني محمد اول ديه رك خطاب عزت صادر
 اولدي بو صورتده سرور عالم افندمن حضر تلي آب
 معنوي اعظم وعنصر اكرم افخم وعلى الاطلاق اصل
 موجودات وبالاتفاق چاشنيء كائناتدر چونكه آدم عليه
 السلام طين ايله ماء ارسنده بلكي آدم وطين وماء موجود
 اولديغي حاليده سلطنت نبوت احاله بيورلمشيدى جناب
 پروردكار اول خورشيد آسمان نبوت افندمن حضر تلي ريني
 حديث جابر شهادتيله معانيء كائناتي جامعده مرأت كاملهء
 كليده اوله رق اظهار بيورمشدر زيرا جابر رضى الله تعالى
 عنه حضر تلي رندن مر ويدركه فخر كائنات عليه اكمل
 التحيات افندمن حضر تلي ر كندوسنه خطابا (ان اول
 ما خلق الله روح نبيك يا جابر) بيورمشدر بعض رواياتده
 واقع اولديغي كبي روح شريفه لى جوهر وقلم اعلى
 وعقل اولدر علماء محققين كتابلرند ه مذكور اولديغي
 وجهله حق تعالى حضر تلي ر اول جوهر دن هر شئيء
 يراتدى امدى ارواح انبياء وشهداء وملائكه وسكان

الاعلا والعرش والكرسى ویدی قات سماء وارض وانلرك
اهالیسی وجنت ونار و بونلرده بولان مخلوقات نور رسول
اللهدن نشئت ایتشد بوضورتده رسول کبریا صلی الله
تعالی علیه وسلم افندمن حضر تلی روح جسد الکوینین
وعین حیات دارین اولوب واجب الوجود تعالی وتقدس
حضر تلی آنی واندن کافه اشیا بی وانک وفضلی اظمهار
ایچون اشیا مذکور بی خلق بیوردی ونور شریفک
بقیه سنی عرش اعلا التند برقندیله تودیع ایدوب اول
نور رسالت آدم علیه الصلاة والسلامک ظهری
زمانه دکن تسبیح و تمجید ایدر اولدیغی حالده مستر اولدی

❖ فصل اول ❖

آدم علیه السلامی وکندوسندن حوائک ظهورینی وجنتده
اقامتلرینی وجنتدن نزوللرینی وتو بهیه رجوعلرینی وانلردن
ذریته نشئت ایتدیکنی و بیت حرامی بنالرینی ذکر حقنده در
بر یوزنده خلیفه خلق وایجادینه اراده سبحانی ومشییت
ربانی تعلق ایدوب ملائکه کرامه عرض و بیان بیورنجه
اسرار الهی به وحکمت مخفی به واقف اولدقلری
جهتله عدم ایجاد حقنده مقاله سرد ایتشلرنتکم فرقانده
حکایه بیورلشد بوحالده حق تعالی وتقدس حضر تلی

(انی اعلم ما لا تعلمون) بیوردی یعنی ای ملائکه لرم سزک
 بلمدی که کز شیء بن عظیم الشان بیاورم دیه رک یردن
 بر قبضه طو پراق الموق اوزره جمیع ملائکه عظامی ارسال
 ایلیوب هر بری ارضه مراجعت ایتش ایسه ده کننددن
 برشی قبض او لثماسنه یر قسم ایتکله تهی دست
 عودت ایتش بعد عزرائیل علیه السلامه امر
 ربانی وفرمان یردانی صادر اولوب ارضه مراجعت
 ایدوب ارض ینسه قسم ایتد یسه ده اقوالنه حواله
 سمع والتفات ایتیه رک یرک نهایتنه بالغ ورسیده
 اوله رقدن بر قبضه اخذ و جمیع الوان یننی قبضه
 مذکورده جمع ایتش بو صورتده یرربسنه شکوا ایدنجه
 جناب حضرت پروردکار (یا ارض ماخرج منک سبعود
 الیک) یعنی سندن چیقان نسنه یقین زمانده سکا عود
 ایدر دیه رک جواب و یردی بو جهتدن عزرائیل علیه
 السلام اولاد آدم علیه سلامک اروا حنی قبضه موکل
 قلنشد ر بعد ه آدم علیه سلامک چامورینی بد قدرتیله
 جنت قیوسی اوزرنده قرق سنه ینغوروب تسویه
 بیوردی بعد ه کندوسنه روح و یرنجه اقسرو ب حق
 تعالی به حمد وثنا و ملائکه لراکا خیرایله دعا ایدوب

او حالد ه واجب الوجود تعالى شانه حضر تری
 یا آدم سنی انجق رحمت ایچون براندم دیه رکدن
 خطاب بیوروب جتده اسکانه فرمان بیوردی آدم
 علیه السلامه او یقوغلبه ایتک جهته بر مقدار او بودیغی
 صرده ایکو کیکنک اقصرندن حوایی غایت ظریف
 وحسناء اوله رق خلق بیوردی آدم علیه السلام
 او یا نوب حوایی یاننده کورنجه حرارت شهوتی حرکت
 و درونگامیل و محبت ایدرک النی حوایه او زاتمش
 بو حالد ه جناب ملک الغفار یا آدم حرام اولدیغی
 حالد ه النی حوایه او زاتمه دیه رکند بیوردی
 بو صورتده حوانک نه صورتله حلال اوله جغنی سؤال
 ایدوب جناب رب العزة حلال اولمنی بیان صد دنده
 بیور مشرکه یا آدم حوایی بن عظیم الشانندن استه
 واکا مهر تسویه ایله آدم علیه السلام مهر ایده جک
 برنسنده سی اولدیغنی افاده ایدوب واجب الوجود
 یا آدم حوانک مهری حبیب محمد المصطفی صلی الله
 تعالی علیه وسلم برنفسده بیک کره صلوات
 کنور مکزندن عبارتدر بیورنجه همان آدم علیه السلام
 صلواته شروع ایدوب بشیورده نفسی منقطع

اولوب اعتذار اید رك ايكنجى نفسده اكسال ايلدى
 بو بابد و قوعبولان اعتذار وايكنجى نفسده اتمام
 و اكسالى قبول بيوريلوب بو جهتله مهر ك نصفي بشين
 و ديكرى مؤخر اولدى بعده آدم عليه السلامى حوايه تزويج
 و نكاح ايدوب اليوم عادت اوله رقدن اجرا اولنان وليه
 وزفاف ماده سى صورت عظيمه ده بالاجرا آدم عليه
 السلام حوايه دا خل اولوب جنتده او چيوز سنه
 فرحناك اوله رقدن اقامت ايدوب نزوللرينى جناب كرد كار
 مراد ايتش اولغله وقت معلوم كلنجه آدم عليه
 السلام ارض هنده وادى سرنديه و حوى جديّه
 و شيطان ارض مصره و طاوس شامه و يلان ديار بكرده
 ارض سقراطيه نزول ايلديلر حق تعالى حضرتلري
 آدم عليه السلام ايچون مكه يرندن بر محله قزل ياقوتدن
 بر قبه نصب و او كونده حجر اسودى جنتدن نزال بيوروب
 حجر مذكور آدم عليه السلامه كرسى اولدى ملائكه
 عظام حدود حرم اوزرنده شيطان عليه اللعنه دن حفظ
 ايدر اولديغى حاليده برخيمه كزايوب آدم عليه السلام ارض
 هنده دن كتوريله رك خيمه مذكوره ادخال و حوايه
 مزدلفه ده اجتماع ايتشد ر آدم عليه السلام

کشتن سر ای بقایه رحلت و غزیمت بیورد قد نصکره
 قبه مذکوره سمایه رفع اولوب یرینه اولاد لری چور ایله
 بریت بناء ایلدیلر که الان بیت حرام موضعه در آدم
 علیه السلام ملائکه لک تعالیه قبه مذکوره بی
 طواف ایدردی قبه مذکوره نک اسمی بیت المعمور
 و اولاد لرنک بناء ایتدکارینک اسمی بیت حرام در زمان
 طوفانه قدر استمرار ایدرک اگر اما و غرقدن صیانه
 حق تعالی حضرت لری سمایه رفع بیوردی

❖ فصل ثانی ❖

نوح علیه السلامی و طوفانی ذکر حقینده در
 فصل اولده تقدم ایتدیکی کبی بیت حرام قبل الطوفان
 موجود و هر زمان معروف و معهود اولوب جمیع اطراف
 و اکشافدن ناس بیت مذکورک زیارتنی قصد ایدرلردی
 تا کم نوح علیه السلام بعث اولوب کندیلر
 قومی بینده امر عظیم اولدی یعنی نوح علیه السلام
 قومی دینه دعوت ایدوب انلر ایمان ایتدیلر بوجهته
 اوزرلرینه غرق ایله دعا ایدنجه جناب پروردگار بیت حرامی
 غرقدن صیانه سمایه رفع ایدوب ابراهیم علیه السلام
 زمانته قدریزی خالی اوله رق قالمشدر

❖ فصل ثالث ابراهیم علیه السلامی ❖

ذکر حقنده در (معلوم اوله که زمان نوحدن ابراهیم
 علیه السلام زمانه د کین بیت حرامک یری خالی و بناء
 اولیوب جناب کرد کار تعالی و تقدس حضرت تری ابراهیم
 علیه السلامی بعث ایدنجه بیت حرامک بنا اولنسنی امر
 ایدرک و یرینی جبرائیل کو ستره رک ابراهیم خلیل الرحمن
 فرمان یزدانه امثالایت مذکور ی بش جبلدن یعنی جبل
 طور سینا و جبل طور ذیتا و جبل لبنان و جبل جودی
 و جبل خرا دن بناء ایتشد ر بیت عز بورك اوستی
 طولا طقوز ذراع اشا غیسی عرضاً حجرا سود دن
 رکن شامی به اوتوز ایکی ذراع شامیدن غربی به
 یکر می ایکی ذراع و آرقه سی طولا رکن
 غربیدن یمانی به اوتوز بر ذراع صاع جانبی
 رکن اسعد دن یمانی به یکر می ذراع اولوب بیت مذکور
 خلقه مکعب اوزره بناء اولنق جهنله کعبه تسمیه قلندی
 کعبه معظمه به اهدا اولنان اشیاء القی اولنق اوزره داخل
 بیتک صاع جانبندن برقی و ابراهیم علیه السلام
 قازمشدر بیت مذکور ایکی دفعه محترق اولش بر دفعه سی
 وقت جهالتده ایکنجی دفعه سی وقت اسلامده هنگام
 یزیده عبد الله بن زبیرک ولایتی زماننده در و بیت مذکور

بش دفعه ده بنا اولمش اول ملائكه لر بناء بيور مشلر كه
ظن ايدرم قبه مذكوره در الله اعلم

❖ فصل رابع ❖

اسماعيل عليه السلامي و نسلندن قريشك
ظهور يني ذكر حقنده در معلوم اوله كه ابراهيم عليه
السلام بيت شريفى بنا ايله مأمور اولوب اوغلى
اسماعيل عليه السلام طاش تناول واعطا ايدر
اولديغى حالده بيت مذكورى بناء ايدردى ختامه رسیده
اولجه ناسه حج ايله اعلام ايتسى حقنده فرمان ربانى
صادر اولغله ابراهيم عليه السلام جبل ابى
قبيسه خروج ايدوب اى ناس حق تعالى حضرتلرى
سيرك اچون بر بيت بنا ايتشد حج ايدىكز ديهرك اعلام
ايدنجه اصلا ب وارحامدن لبيك ديو جواب و يرلش
بنا برين تلبیه حجه اصل و مبداء قلندى بو صورتده بيت
شريفك خدمتده بولمق اوزره كندى ذريتندن براقليسنى
جناب پروردكار امر ايدر اولمق جهته بيت حرامده
اسماعيل عليه السلامى ابقا ايدوب جناب حقه
ذريتى اچون دعا ايلدى اسماعيل عليه السلام
جرهم قبيله منك اولوسى اولان مضاضك كريمه سنى
تزوج ايدرك آندن اولاد كشي ره تولدايتمش بيت شريفك

خدمتده اولاد اسماعیل علیه السلام من معقل
 نام کسند اسمرار ایتشدر حتی ذریتند ن قبائل تفرع
 ونفرق ایدوب شرق وغربی احاطه ایاسدی واولاد
 اسماعیل علیه السلام برطرفه عزمت ایلدی ککری
 حالده یانلرینه جباره حرمدن برضاش آلوب نزول
 ایتدکاری محالده اثریت ایله تبرک ایتک ایچون مذکور
 طاشی طواف و زیارت ایدرلردی بو حال کندولرنده مستمر
 اولقی جهته ججاره بی معبود اعتقاد ایدوب عبادت
 ایلدیرو بیت شریفک خدمتده اولاولی نابت بولنوب
 یافت بن نوح علیه السلام ک نسلدن اولدیغی حالده بنی
 جرهم قبیله سندن مکده بولنان مضاض نام کسند
 کندویه غلبه ایتش و بینلرنده چوق حرب وقوعبولش
 ایسده بوراسی موضعی اولامغله صرف نظر اولمشدر

❖ فصل خامس ❖

اولاد اسماعیل علیه السلام بیت حرام خدمتده مناوبه
 لرینک ذکر حقیقده در معلوم اوله که اولاد اسماعیل علیه
 السلام ایله بنی جرهم و بنی قنطورا بیت حرام وقوعبولوب
 باعانه الله تعالی اولاد اسماعیل ظفر یاب وغالب اولمغه
 ملک و خدمت بیت الحرام انلره عود و رجعت ایتش بوجهته

شعوب و قبائل اولد قلمی حالد شرق و غرب به داغلمش لر در
بنو خزاعه و بنو مالک و بنو بکر بن وائل و بنو صفوان و بنو
عطفان و بنو اشجع و بنو اسد و بنو سلیم و بنو کندیة
و بنو تیم و بنو هلال و بنو قیس و بنو فزارة و بنو عامر که اصل
چراکس در و بنو رفاعه و بنو مضر و بنو غسان و بنو جعدة
و بنو اجمع و بنو امیه و بنو انوفل و بنو جندب و بنو کنانه و بنو
ثخزوم و بنو طی و بنو ثعلبه و بنو حیر قبائل مذکور دندربو نلر
اصول و بطون قبائل اولوب بو نلرک اوزرینه زیاده سی فروع
قبیلندن اوله رق مالانهایه در بیت شریفک ولایت و خدمتی
ولد اسماعیل علیه السلام دن چیقیمیوب بایکی بیت مذکورک
خدمته حکم اغلیت و خدمته قدرت حسبیه بطندن
بطنه و فرعدن فرعه عدنانه قدر منا و به ایتمش لر در الله اعلم

❖ فصل سادس ❖

عدناندن قریشک ظهورینی و قریشه قریش تسمیه لرینی ذکر
حقننده در معلوم اوله که قریش نسل عدناندن کنانه
بن خزیمه بن مدرکه اولاد لریدر بو نلر یاوز و قوتلی
و بهادر کمنه لر اوراق جهته دریاده مجبول و مخلوق
اولان و سائر لرندن انه کیره نی قهر و غلبه ایله اکل ایلیان
قریش نام قوی حیوانه قوه و شجاعته تشبیه اولوب

کند یار یچون قریش اسمی مستعار اولمشدر حدیث
 شریفده وارد اولدیکه جناب حضرت کرد کار
 ولد اسماعیل علیه السلام دن کنانه بی وکنانه دن
 قریشی وقریشدن بنی هاشمی وآنرا یچون مکّه مکرمه
 شرفها الله الی یوم القیّی ووطن ومسکن اختیار
 بیوردی وحقّنده (ان اول بیت وضع للناس للذی
 ببکّة مبارک وهدی للعالمین فیہ آیات بینات مقام ابراهیم
 ومن دخله کان آمناً) نظم جلیلی صادر اولمشدر بکه قلب
 دنیا ومستقر انبیا وزمان جاهلیتده واسلامده ناسک
 راخلاه لرینه منزلدر بو جهنله مکده نائم بشقه محمده
 قائم کی اولدیغی حدیث آخرد وارد اولوب بوصورتده
 بنو قریش مکده وخدمتده جمیع امم وقبائلدن البق
 واحراردر قبیلّه مذکوره دوتنده اولان طوائف ایله خیلی
 زمان مقاتله ایدوب قریشه هیچ برکیمسه غالب اولوب
 دائماً قهر وغلبله ایله ظاهر ومشهور اولد قلمی حالده
 جرهم وعمالیق نام ایکی طائفه بی وانلردن اول اولان
 جمیع طوائفی كذلك نوح علیه السلام عهدندن قاله
 جدیس وطسم نام ایکی قبیله بی قتل ایدرک ارض حرمی
 کشف ابتد یاربو جهنله قبیلّه قریش ابرهه الاشرم

نام امیرك ظهورینه د کین قهر و غلبه ایله مشهورلردی زیرا
 ابرهه مر قوم بیت شریفك هدمی اراده ایتمش و سببی دخی
 بیان اولمش شویله که مر قوم ابرهه الاشرم ملک وارض
 عنه مالک اولنجه قصر بلقیسك طاشلریله اوراده کعبه یه
 مشابه بر بیت بناء ایدوب بیت مذ کوره یه ایکیوز ذراع
 اوزاق اوله رق چپچوره دیوار چکه رك و مذ کوریدی التون
 و مکوش انکسر لرله تزیین و التمش ذراع اوز و نلغنده ساج
 دینلان اغاجدن ایکی اودن بیت مذ کوره وضع ایدرك
 برینه کعب و دیگرینه امرأة الکعب تسمیه ایدوب
 حشبتان مذ کور تانی مبارک عهد و اعتقاد ایدرلردی
 و بیت مذ کورك حوالوسنده قزق ذراع طولنده بر عظیم
 کوشك و او کوشك دروننده طولاً و عرضاً التمش
 ذراع اوله رق برقبه بناء ایدوب قلیس تسمیه ایلدی
 عرب بوکا کسب معلومات ایدنجه در عقب بنی مالک
 بن کنانه دن ایکی رجل ارسال اولنوب مر قومان بیت
 مذ کورده آبدست یوز مشلر بو کیفیت ابرهه الاشرمده یه
 خبر ویرلنجه بیت شریفك هدم و یقلمسته عین ایتك
 جهته فیلی سوق ایدوب امر شدید ویرمش ایسه ده
 جناب ملک الستار تعالی حضر تلی فیلی خائب و خاسر

اولد یعنی سالده ردیور مشدر بو مقامده مراد بالکز
قریشک نسبنی تقرب و تثبیت اولد یغندن تطو بلدن
احترازاً قصه فیلک ذکر کی اختصار اولمشدر امیرک
ابی جعفر المنصوره رجوع ونزدند فلیس نام بیتک ذکر کی
سبقت ایدنجده هدمنی اراده ایدوب وهب ابن مبنه دن
استغنا ایتمش و شرعاً هدمنه مساع ارفاق حسبیه بیت
مذکورک هدمنه فتوی ویرلنجده همان جیوش و غیر ایله
چیقارق بیت مذکوری هدم ایدرک مال کثیر اصابت ایتمش
وتاریخ فیلده رسول اکرم صلی الله تعالی علیه وسلم
افند من حضر تلری دنیا بی تشریف پیور مشدر

❖ فصل سابع ❖

فتح زماننده قبائل قریشک شرق و غربد تفرع ائرینک
ذکر کی حقیقده در (علوم اوله که ظهور اسلام و ایمان
و خفاء شرک و طغیان مراد بزدانی اولغله خلاصه
قریش اولان خواسص بنی عدنانک خاصشدن
اختیار پیور یلوب قریشی هاشمی حرمی عنوانیله
موصوف محمد المصطفی صلی الله تعالی علیه وسلم افند من
حضر تلرینی نبی و رسول و نذیر و بشیر و سرّاج منیر و عبادی
دین حقّه داعی اواره قدن علی لا ینطق کافه ناسه بعث
و ارسال پیوردی بو جهته جزء الماده مسجد حرامدن

مسجد اقصیٰ به مسجد اقصیٰ دن طباق سا بعه والی
 ما شاء الله سیر و خریق عاده اولاق اوزره جمع اشیاپی
 کشف و مشاهده ابتدا یروب اول سرور کائنات علیه اکمل
 البیات افندمن حضر تلریله بین الاضداد الفیت بیورمشدر
 محبت رسوله خواص عبادک قلوبی جمع و معجزات باهره
 ایلہ تأیید و سموات وارضین اهلانہ اظهاری یوردی
 بوصور تده فخر عالم محمد مصطفیٰ صلی الله تعالیٰ علیه
 وسلم افندمن حضر تلری امانتی تأدیہ وامتنہ نصیح و بند
 وظلمتی کشف و حکمتی نطق بیوروب جهاد لایقه
 ایلہ فی سبیل الله مجاهده ایدر لک حتی کند و به یقین
 طاری اولمشدر بو حالده اول امرده قوم قبیلہ سنی
 دین حقہ دعوت ایتک ایچون (وانذر عشیرتک الاقرین)
 فرمائی صادر اولوب بنابرین ابتدا فریشی دین اسلامه
 دعوت بیوردیغی کی دائما عبادی دین حقہ بصورت
 اوزره دعوت بیورمشدر حتی مدینه منوره به هجرت
 و مدینه دن مکہ به عود و فتح ایلدی حجة الوداعی حج
 ایدنجه (ترکتکم علی بیضاء نقیة) کلام بلاغت اشتمالاریلہ
 صدیق اعظم رضی الله تعالیٰ عنه حضر تلرینک خلافتنه
 رعن ایدوب سرای بقایه رحلت و تشریف بیوردی

بعده ابو بکر الصديق رضى الله تعالى عنه افتدمن خليفه
اولجده اهل رده ايله مقاتله ايتك ايجون اهل حجاز و يمن
وسائرلندن قبائلى فى سبيل الله جهاده دعوت ايدرك
جميع اطراف واقطار دن اجابت و مدينه منورديه تجمع
ايلديلر صديق اعظم افتدمن مكاتب متسكازه كتب و انلره
الويه و بيرافلى عرض ايدوب شام و اطراف شامه
متوجهگ ارسال ايتش انجق عمر و شريفلى وفا ايتيوب
قبل الفتح دار بقايله رحلت يور مشدر بعده عمر ابن الخطاب
رضى الله تعالى عنه افتدمن حضر تلى خليفه اولوب
شوكت اسلام كسب قوت ايدوب ناس اعداى دين ايله
قتال اوزره تكثر ايلدى اصحاب كرام دائما مجاهده
و محاصره و مدينه بمدينه فتح ايدى حى حتى تبوك
و بصرى و تدمر و فلسطين و غزه و حوران و شام و قدس
شريف و حاب و حماة و حص و انطاكيه و مصر و ارض
مغرب و بونلردن بشقه قصبه لى فتح ايلديكلى محققدر
و ملك روم اوغلى صاحب قسطنطينية الكبرى قسطنطينيه
متوجهگ فرار ايتمشدر (عمر ابن الخطاب رضى الله تعالى
عنه افتدمن حضر تلى زمان خلافتلرنده حادث اولان
وقعه لردن بریده شودر كه ملك بنى غسان امير جبلة بن

ایهم حضرت عمر الفارق رضی الله تعالی عنه افتد منك
 حضور ینه كلوب اسلامه مشرف اولوب اوتند يدك
 حیوانلری دیله رك یعنی کند و به حرمت و رعایت اولندیغی
 حالده مدینه یه کیدردی بر مدت مکت ایدوب حتی عمر بن
 الخطاب ایله حج ایلدی روایت اولندیکه امیر مرقوم
 طوافده یاخود عرفه ده اولدیغی حالده براعرابی زداستك
 بر جانبنی چکته دیکنه بناء امیر مرقوم مرقوم اعرابی به
 خزلیجه اوله رق بر شمار اوروب كوزبنی چقارمش
 بوصورته اعرابی اشتكا ایتکه حضرت عمر الفارق
 افتد من امیر مرقوم دن شرعا قصاص ایتك مراد
 ایدنجه امیر مرقوم دائرة اطاعتدن چیقارق مرتد اولوب
 اهلی و بنو غساندن عمی زاده لر یله بلاد شامه صاوشدی
 و بعد الفتح عمی زاده سی امیر عطشاء بن جعدیه برابر
 اولدیغی حالده عظیم الروم (هرقل) ایله برانگه دیار
 رومه فرار ایلدی بونلر عظماء عرب و اکبر قریشدن
 اولوب اون الی بیکی سواری در تبکی پیاده اوله رق
 یکر می بیک قدر عسکره مالک و قسی و سهام دخی
 معیتلرنده ایدیلر ❖ و وقاییدن بریده بودر که قبائل
 قریشدن بر قبیله یه بنو عامر وسید و امیر لر ینه کساء بن

عكرمه بن ود انعامی دنیلور اتفاق اولندیله بنی
 عامرك برفر ح و سرورلری اولوب آتلا اوزرلرند، اوینارلر
 یکن امیر کسانك الندن بر جرید سقوط ایدرك فهید نام
 اعرايدك كوزینه اصابت ایدوب چیقارمسی جهنله
 عرب اشتكا ایتكلاه عمر بن الخطاب رضی الله تعالی عنه
 اقدم من حضرتتیری امیر مر قوم کسادن شرعاً فصااص
 ایتك مراد ایدنبجه (سری لایلا) یعنی کیجه فرار ایلدی
 بو صورتده امیر مر قوم سؤال اولنه رق (سری و چری)
 یعنی نفسنی خلاص ایچون اهلایله کیدوب ارض رومه
 داخل اولدی دینه رك جواب ویرلدی بنابرین او کوندن
 امیر مر قومه چیرا کساء تسمیه اولندی بو حالده عی
 زاده لرندن واقاربندن چوق کیمسلر امیر مر قومك باشنه
 جمع اولدی و مر قومه بو اسم ارض رومده طاقلدیغی کی
 ارض حجاز و یمن و شام و عراق و مصر و جمیع اقطارده
 دخی شایع اولشدر امیر مر قوم دائمار محلدن دیگر محله
 انتقال ایلدیکنندن اهلایله بلاد برصه دخی تجاوز ایتمش
 و اوصمر ده اوتوز یك قدر عسکره مالک اولوب ارض
 رومده هر کیچکه معارضه ایدر ایسه محاربه ایدوب قتل
 اندردی حتی ناس مر قومدن خوف و خشیته دوشوب

بوی کیفیت قسطنطنیه عکس ایدجه امیر کسایه امان
 و یروب قسطنطنیه به منسوب اولان نهاری تجاویزینی
 واستدییکی رده افامتی امراتسله امیرمرقوم اهلیله
 تجاویز ایدوب قسطنطنیه نك مشرق و مغربی مایذنی
 منسوب اختیار ایلدی و بلاد عبویانی غایت عجایب
 و خیرات و صوری و باغ و بقیچلری و ارزاقی کثیر اولدیغی
 حالده یوادی و بلاد مذکوره قدیمده ارض بلغاردن
 ارض نیارق ایله معروف ویدارمنیده ایدی بوجهته
 بقایای ارمنیدن بلاد مزبورده طوائف عدیده یوایوب
 انلرایله محاربه ایدوب غالب و ظفریاب اولهرق بلده لرنده
 وطن ایلدی عی زده لری بواهل دیارک نزه سرعت
 انقیاد لریته تعجب ایدور زدیهرک امیرمرقومه سویلینجه
 امیر کساء تحدیث نعمت اولهرق برح شدت قوتنک ثمره
 آثاریدر دیرک جواب ویردی بلاد مذکوره الان ارض
 چراکسه دیملکه معروفدر زیرامیر کساء کندویه
 قصاص ایدلمک خوفندن خلیفه به اطاعتدن خروج
 ایدوب (سری لایلا) یعنی کیمجه یله فرار ایتدیکی قبائل
 یلمتده معروف و مشهوردر بصورتده سری لفظی
 اسمنه مصاف قیلنوب انکی کلمه ترک ایتدیکی جهتله

سری کساء دینلوب بعدہ ناس تصرف ایدرک سری
 و جری لغظان مترادفان اولدیغنه بناء چرا کساء دینلدی
 بو حکم نسلنه دخی منسحب اولوب الیوم چرا کساء
 نامیله معروف و معهودلر ر بونلر الان اولطرفده
 اولدقلری حالده کتساب یملر و شریعتہ انقیاد ایتزلر
 بایکی احکاملری عربدن اهل بادیہ نك احکامی کییدر
 انجق واجب تعالیٰ بی قطعاً یلورلر و بوزمانه کلمجه یه
 قدر دیارلر نك احکامی شویله در که برقبیله دیگر قبیله ایله
 محاربه و مقساتله ایدوب تغلب و اولاد لرینی اسیر
 ایدرلر بلاد اسلامه داخل اولدقلری زمان
 جمایت اصلیه لرینه رجوع ایدرلر بونلرک اراسنده
 حکم ایمان اوزره باقی واصل مجتہد لرینی عارف مکسندلر
 دخی بواندیغی نقل اولمشدر کذلک ارض مغربده اندلس
 شهرند طوائف عدیده موجوددر لیکن انلرده خلافت
 اولق جهتله شجره بنی امیه دن اولدیغی حالده
 سلطانلری واردر والله سبحانه اعلم

❖ خانه ❖

ما تقدم و زیاده بی جاء اولدیغی حالده فتح و فتحدن صکره
 عربدن بلاد رومه کیدن و بلاد رومدن بلاد اسلامه
 عود و رجوع ایدرک کس لک بیانی حقندہ در معلوم

اوله کدبلاد اسلامدن دیار رومه کیدن عرب اوچ طائفه در
 بری بنو غسان قبيله سیدر بونلرک امیر و سیدی جبيله بن
 ایهم الغسانی و عیسنک اوغلی عطاء بن جعدہ در عظیم
 الروم قسطنطین بونلره جبل ارتودی کسم ایله و یروب
 اوراده توطن ایدرک دائما اوراده دوروب ایوم
 ذریتلری باقیدر دیگرى بنوعاص در بونلرک امیر و سیدی
 کساء بن عکرمه بن عمرو بن ود العاصری در بونلر بلاد
 رومه توجه ایتمک و ملک قسطنطین کندولرینی بیلمک
 حسيله ملک بلغاردن الان ارض چرا کساء دیمکله معروف
 اولان ارض نیارقی کسم ایله و یروب او محمد ه توطن
 ایدوب الان اویرده نسللری بولمقدہ در بونلر چرا کساء
 قبيله سیدر بو مقامده چری و سیری لفظلری خوفدن
 فرار معنا سنه اولق جهتله چرا کساء و سیرا کساء جیم
 وسین ایله اوله رقی جائز اولدیغندن ناس ایکیسنده استعمال
 ایدر الله اعلم و دیگرى فروع امویهدن بنو مدلدر بونلر
 بلاد اندلسه کیدوب اوراده برمدت اقامت ایدوب
 فی الاصل سلیمک حدادی مجوسی یا خود یهودی سعید
 نام کسنه نک اوغلی اولدیغنی حالده قریشدن اوله رقی
 فواطم قبيله سندن اولدیغنی ادعا ایدن عبید الله المهدی

نام کسند نك مال وشوكتي تيمثيتمت جهند بلا مد كوره
 تغلب ايدرک بنی مدجی قطع ایلدی مرقوم ملک معرك
 جدی اولوب اولادلی فواطم قبیلہ سندن
 اولدقارینی دعوا ایدن خلفاء مصر در انجیق ذکر
 ویا انلریئت موضعی اولدیغندن ترك اولمشدر بوعقاصه
 مطالب اولان امیر کساء بن عکرمه بنی عامر دندر
 بونلردن بلاد اسلامه رجوع ایدن لایعده ولا یخصی در
 از جمله اشرف بنی عامر ارض مصرده ولایت شرقیه
 وعوامر دیمکه معروف نام قبیلہ کذاک ارض مصرده
 جهت قبیلہ به ظاهر و آشکاره اوله رق عود و رجوع
 ایتدکاری کی دولت چرا کسه ایله قائم ملک ظاهر سلطان
 برقوق بن النصر الجرجسی خفی اوله رق منفرد ویا لکن
 اولدیغی حالده رجوع ایلدی چونکه سلطان برقوق
 دیار مصرده ملوک اکراد ابو یبه دن یکرمی اوچنجی ملک
 اولان ملک منصور سلطان علی بن شعبانک مملوک وکوله
 سی ایدی مومی الیه برقوق شاب و حسن جماله مالک بذات
 اولوب بعض مسافرین ایله برابر مهاجر اولدیغی حالده
 قسطنطنیه کیدرایکن بعض منزل وقوناق یرلرند
 قطاع طریق و اشقاء بونلره مطلع اولوب جماعتی قتل

و کند و سنی اسیر ایدوب بیع ایلدیلر هر قوم بر قرق
نسبی بالدیگی جهتله کند و سنه دیار مصر ده ریاست
منتهی اولدیغی حالده بعضی امرایله مخصوصه ایتدیکنه
کونلرده بر کون اتفاق اولمجه مومی الیه نسبی بر قوق بن
النصر بن ثریخان بن بلخان بن جهانگیر بن دوستم بن جهان شاه
بن بهریداق بن یسک بن ازبک بن ایشال بن وردیش بن
ترخان فطلوف شاد بن کساء بن عکرمه بن عمرو بن ود
العامری سید بنی عامر من عظماء قریش دیه رکسن اثبات
و بونستک صحت، هر قوم بر قوق ارض رومدن جلب
ایدن صدر اعظم و دستور مکرّم مشیر مفتخّ امر طشتر
وامیر ثریبای صاحب و محمود بن سودون بن شاه جک
و غیر یاری شهادت ایدوب بو صورتده هر قوم بر قوق
مملوک اولیوب انجیق اشقیاء کند و سنه تغلب ایتک جهتله
اسیر اولوب عبدکی بیع اولدیغی ثبوت بواه رق کند و یه
سلطنت پالتقویض دیار مصرده سر بر مملکنه جلوس
بیوردی سلطان بر قوق رحمه الله تعالی حضرت تلمی ملک
عظیم و عادل و احوال متوافره به مالک ایدی از جمله
بشیک عبد و مملوک که مالک و فعل خیره و کثیر المصدقاته
محب اولوب حتی فقهاء مصره هر سنه یوز یک التون

وایکوز بیک درهم و سکز بیک کیله حنطه و بونلردن
 غیری اشیایی تفریق ایدردی و ممالک چراکسه بی جمیع
 اگر ادوار و امواتراک اوزرینه تقدیم ایدوب بونلرعی زاده
 لیم و قوم و قبیله م در دیره رک غایت الغایه اگرام ایدردی
 و دائماً ممالک چراکسه بی تربیه ده اکثر ایدوب بوجه تله
 چراکسه دن اولوق اوزره عسکری کشیر ایدی
 و مرقوم سلطان برقوق حضر تلی ملوک چراکسه نک
 اولی اولوب التمش سنه معمر و اون آلتی سنه درت بچق ماه
 تحت سلطنت نشین اوله رق فرج و عبدالعزیز و ابراهیم
 نام اوچ اولاد بی ترک ابتدیی حالده هجرتک سکز یوز
 بر تاریننده دار بقایه رحلت و عزیمت بیور مشدر بعده مصر
 محروسه ده اوغلی ابوالسعادات فرج تحت سلطنته
 جلوس ایدوب ملک ناصر دیو لقبندی و مرقوم
 او هنکامده اون یاشنده و حسن و جمال صاحبی اولوب
 پدرینک کیدیشی اوزره کیدرک عدل و احسانی زیاده
 بر ذات مبارک و جلیل القدر ایدی بر مدت سریر مملکتده
 مکت ایدوب لمصلحه کیزلنوب قرنداشی عبدالعزیز
 بر مدت جلوس ایدی بعده فرج مومی الیه ظهور ایدوب
 وفات ایدنجه به قدر جلوس ایتشدر رحمه الله تعالی بعده

ابوالنصر شیخ محمودی تحت سلطنته جلوس ایلدی
 مومی الیه عظیم ومهابتلو بر ملک اولوب اوچسینه درت آی
 سلطنت ایدوب وفات ایلدی رحمه الله تعالی بعده
 اوغلی احمد جلوس ایلدی انجیق کندوسی غایت
 صغیر اولق جهتله وزراء تصرف ایدوب یدی سنه
 تحت سلطنته دوروب سکز یاشنده اولدیغی حالده
 وفات ایتشد رحمه الله تعالی بعده ملک ظاهر
 ابو الفتح بن ططر تحت سلطنته جلوس ایلدی مومی الیه
 حنفی المذهب ومهابتلو ومبارک بر ملک اولوب تحت
 سلطنته اوچماه اوچگون اقامت ایدرک سکز یوز یکرمی
 درت تار یخنده وفات ایلدی رحمه الله تعالی بعده اوغلی
 ملک صالح احمد جلوس ایدوب درت ماه ایکی کون
 تحت سلطنته اقامت ایدرک اون یاشنده اولدیغی حالده
 وفات ایلدی بعده ملک اشرف تحت سلطنته جلوس
 ایلدی مومی الیه اولا برقوق سلطانک مملوکی اولوب
 عمی زاده سی اولدیغی ظاهر اولجه اعتاق ومناصبینه
 درج ایدوب اصلا آیرمدی ومومی الیه سلطان برقوقدن
 صکره ملوک چرا کسه نک اعظمی اولوب ایام سلطنته ملک

معمور اولدی اون الی سنه سکن آی بش کون تحت
سلطنتده اقامت ایدرک وفات ایلدی رحمه الله تعالی
بعده اوغلی ملک عزیز ابوالحسن یوسف تحت سلطنته
جلوس ایلدی مرقوم حلیم بر ملک اولوب عصرنده
جیع بلاد اختلال کثیره وقوعه کلوب اوچجاه الی کون
سلطنت ابتدکی حالده وفات ایلدی بعده ملک ظاهر
ابو سعید چاقق العلانی هجرتک سکن یوز فرق ایکی
سنه سی ربیع الاولک طقوزنجی کونی تحت سلطنته
جلوس ایلدی مومی الیه مهاجرتو وعظیم بر ملک اولوب
اون اوچسنه برقاج آی تحت سلطنتده اقامت ایدرک
وفات ایلدی بعده سلطان منصور عثمان جلوس ایلدی
مومی الیهک عصرنده دیار مصریه دغسا کر بدیلرنده
حرب و قتال وقوع بولدی بعده اینال العلانی سکن یوز
الی یدی سنه سی شهر ربیع الاولک غره سنه ده
تحت سلطنته جلوس ایلدی مرقوم عظیم و کریم و ذی
مرحت بر ملک اولوب سکن سنه ایکی آی الی کون تحت
سلطنتده اقامت ایدرک سکن یوز آلتش بش تاریشنده
وفات ایلدی بعده سلطان مؤید ابوالنصر احمد تحت

جلوس ایلدی مومی الیه بش آی درت کون تحت
سلطنته اقامت ایدوب وفات ایلدی بعده ملک ظاهر
سیف الدین ابوسعید خوشقدم سکر یوز التمش بش
سنه سی و رمضان شریفک اون طقوزنجی کونده تحت
سلطنته جلوس ایلدی مومی الیه عادل و مهتاباو و عظیم
بر ملک اولوب الی سنه الی آی سلطنت ایدوب وفات
ایلدی بعده ابوالنصر بابای بن قلمطای بن ارغون شاه
الچراکمی تحت سلطنته جلوس ایلدی از وقت سلطنت
ایدک وفات ایلدی رحمه الله تعالی بعده سلطان ابوسعید
سکر یوز التمش ابکی سنه سی جیادی الی ملک بدنجی کونی
تحت سلطنته جلوس ایلدی هر قوم ملک اشرف
برسبایک ذر نندن واسم شریفاری احمد بن جابرک
بن ابی المحاسن یوسف بن ملک اشرف برسباید مومی
الیه بر ملک عظیم و عادل و فاضل و شجاع و علمایه
و صلحایه و اصحاب خیره و ادبه محب اولوب کندوسی
پرده جیلاک صنعتیله مشغول اولوب کسب و تجارتندن
اکل ایدردی مومی البهک علمه و فضلنه و کرمه
و صبرده مانندی کلمه یکنه ناس اجتماع التمشدر اوچسنه

برقاج آی سلطنت ایدوب وفات ایلدی بعده سلطان الاشرف
 ابوالنصر قایتبای المحمودی جلوس ایلدی مرقوم ملک
 چاقق کبی مملوک اولوب ملک اشرف بر سبای کوچک اولدیغی
 حالده اشترای ایدوب تدریجی تدریجی اعمال و مناصبده
 قوللانوب سکر یوزیش ایکی سنه سی رجب شریفک
 التنجی کونی جلوس ایلدی مومی الیه حضرتلری صالح
 وعادل وحلیم و کریم و عارف و عالم و حاذق بر ملک اولوب
 یکر می طقوز سنه یکر می درت کون سلطنت ایدوب
 طقوز یوز بر تار یخنده دار بقایه عزیمت ایتشد
 بعده اوغلی محمد تحت سلطنته جلوس ایلدی مرقوم
 شاب جیل اولوب اوچاه طقوز کون سلطنت ایدوب
 وفات ایلدی رحمه الله تعالی بعده دایمی ابوسعید
 قانصوه الاول جلوس ایلدی مرقوم صالح و حلیم
 بر ذات اولوب سکر ای اون اوچکون تحت سلطنته
 اقامت ایدوب وفات ایلدی رحمه الله تعالی بعده ملک
 اشرف جانبولد جلوس ایلدی مرقوم شجاع بر ملک
 اولوب باب النصرده مدرسه اعمار و انشا ایلدی بر سنه
 درت آی اون سکر کون سلطنت ایدوب وفات ایلدی
 رحمه الله تعالی بعده ملک عادل طمانبای بن کرتبای

بر قوم اوچاه اوز بش کون سلطنت
 ایدوب وفات ایلدی رجه الله تعالی بعده ملک ابو النصر
 قانصوه الغوری تحت سلته جلاوس ایلدی بر قوم ملوک چرا
 کسه نک آخری ایدی چونکه ایام سلته آله عثمان سلطان
 سلیم خان حضر تلی مصر و شام و حلب و غیر یلرینی
 استیلا و ضبط ایتدی یکی حالده دولت چرا کسه منقرض
 اولدی قصه لری مشهور اولدیغندن بوراده ذکرینه
 حاجت کوریله مامشدر شو قدر که امیر طهمانبای سلطان
 سلیم حضر تلینه اطاعت ایتیه رک جا عتی جلب
 و هجرتک طقوز یوز یکر می اوچ تار یخنده اوچاه عظیم
 محاربه ایلدی لرود دولت چرا کسه نک انقراضی دخی سنه
 مذکورده اولدیغی منقولدر بر قوم امیر طهمانبای ارض
 غریبه دن عرب واسطه سیله کنور یلوب مقیم اولدیغی
 حالده سلطانک یانه قدوم و مکث ایلدی سلطان ابقا
 و عفوینی مراد ایدنبجه وزیر ی جابر بک تدبیر ایدوب سلطانی
 قتله قنیردی و بر قوم جابر بک و صاحب حلب غزالی
 بتقدیر العزیز العلیم دولت چرا کسه نک انقراضنه سبب
 ایدیلر زیرا بونلر باطنده عثمانی اولوب جیوش و عساکری

يدرك ديار مصری به داخل اولد يار بو ج
 سليم مرقوم طمانبای ابقا و برابر بلاد رومه کتور ملت
 مراد ایتش ايسه ده مرقومان جاربك و غزالی خوف لرندن
 ناشی قتلنی استیوب قتل و برزو ایتده باب زویاده صلب
 اولمش و بعده دفن ایدلمسنى امر ایدوب قتل ایتد يار
 روایت اولندیکی مرقوم طمانبای بنفسه جنازه نك اوننده
 یوردیکی کورلشد درجه الله تعالی علیه و علی جمیع اموات
 المسلمین حق تعالی دولت چرا کسه نك انقراضنی و آل
 عثمانك استیلا سنی مراد اید نیجه سلطان سلیم خان
 حضرتلری موفق اولوب بو حالده چرا کسه لر تخلص
 کر بیان ایچون اطراف و اکنافه طاغلد يار بعضلری
 بلاد چرا کسه رجوع ایلدی از جمله امیر رستم بن تراز بن
 يشبك بن مهدی بن ملک خایربك بن ملک ابی محاسن
 یوسف بن ملک اشرف برسیای اون اوچیا شنده اولدیغی
 حالده رجوع ایلدی مرقوم دیارینه واردیغی آنده بنی
 عیسنك جاریه لرندن برینه تزوج ایدوب اولاد کثیره تولد
 ایلدی مدینه طرابلسده معروف الاصل حسن ابن الصباغ
 تجارت ضمیمه بلاد چرا کسه یه کیدوب مرقوم مووی الیه

رستم ایله ملاقات ایدرک جمیع نوا حیده متصرف
 وصاحب ملک مصر ملک اشرف بر سبایه دکن حسینی
 ونسبنی عارف اولدیغی و نزدنده اولان ناس بو وجهله
 اثبات و شهادت ایدر اولد قلربی کوروب حین عودنده
 بو کیفیت صدر مشیر ارذمن کبیره حکایه ایدینه مومی الیه
 تصدیق ایلدی زیرا مر قوم امراء چرا کسه دن اولوب
 چرا کسه ایچون اولان وقوعانی بی اوردی مر قوم رستم
 عیسنک قزینه تزوج ایدوب اوچی ار وایکسی قز اولاق
 اوزره بش اولادی اولدی صدر اعظم و دستور مکرم
 مشیر مفخم صاحب بحر اسود سنان پاشا باب عثمانی به
 حین عودنده کند و سنده بر مکتوب یازمش و مذکور مکتوب
 فخر الاغوات المقبرین عمدة الملوك والسلاطین چر کسی
 الاصل محمد اغا بدیله یدینه واصل و فتح و قرائت و مالی
 فهم ایدوب خط عربی الیه جواب یازمش و سنان پاشانک
 وفاتندن صکره مکتوب مذکور خزینده بولمش
 شویله که ای دستور مکرم حق سبحانه و تعالی حاضر تری
 بزه هر خبری تعویض و اولاد دن ارا اوله رق اوچ اولاد
 ترز بق ایلدی بیوکی خان فضل و اورتا نجاسی بر سبیک

و کوچکی جانبك عزيز اسمایله مسمی در هر قوم رستم
خوفند تناشی مدینه قسطنطنیه به اصلا کبر مامشدر
سلطان سلیم اصغرک تحت عالی بخت عثمانی به جاوس زمانه
دکین یشایوب رحلت بیوردی دیار مذکوره زده الان
ذریتی با فیدراشته امام الصفدی رحمه الله تعالی
حضر تلرینک نسخه سنده بولسان بوقدر در امام
مرحوم مورخ عجیب و عارف اولوب بعضی اق شهر
مسجد زنده بر مدت مکث ایدوب طقوز یوزسکسان تاریخنده
سرای بقایه رحلت بیور مشدر الی رحمه الله تعالی

❁ باب ❁

بویابده اشرف رستم هر قومك نسبك علی وجه
الصحة نسب قریشه اتصالی مذکور و کتب
توار یخده دخی بوجمله منقولدر رستم بن ترازین یشک
بن مهدی جان بن ملک عزیزی المحاسن یوسف بن ملک
اشرف صاحب مصر بر سبای بن آق بغسان قصوره
بن چاقمق بك بن برد بك بن ارکسان بن جانم بیده بن تغری
بردی بن ایش بك فجاء بن قائم بك بن تریغا هر قوم ملوک
چرا کسه نک اولی صاحب مصر بر قوق بن آنص
الجرکسینک جدیدر بن بلغسان جهانگیر بن رستم الکبیر

بن جهان شاه بن یبرداق بن یشبک بن ازبک بن اینال بن
وردیش بن ترخان بن قطلوف شاه بن کساء بن عکرمه بن
عمرو بن ود العامری بن حرث بن مزید بن زید بن قصی بن
کلاب بن مرة بن کعب بن لوی بن غالب بن قهر بن مالک بن
نضر بن کنانه بن خزیمه بن مدرکه بن الیاس بن مضر بن نزار
بن معد بن عدنان جهور مورخینک غالب اولد قاری شیخ
بناء عدنان بن ادد بن زید بن یقدد بن ثابت بن یقدم بن
الیسع بن الهمیسع بن ثابت بن قیذار بن اسماعیل بن خلیل
علیه السلام بن آزر بن تارخ بن تاروخ بن ساروخ بن ارغو
بن قانع بن عابر بن شالح بن ارفحشد بن سام بن نوح
علیه السلام بن ملک بن متوشلح بن ادریس بن اخنوخ
بن یرد بن مهلائیل بن قینان بن انوش بن شیت بن آدم
علیه السلام آدم علیه السلام طیندن طین ماد ن ماء
دره دن دره نوردن نور هیبتدن هیبت عظمتدن عظمت
قدرتدن قدرت مشیتدن مشیت ارادتدن ارادت
محببتدن محبت ذات واجب الوجود سبحانه و تعالی
حضر تلرینک محض فضلندن در یو صورتده فرعک
اصله رجوعی محققه قدر (منه بدا الامر و الیه يعود

(الای الی اللہ تصیر الامور)

﴿ باب ﴾

قهر الوجوه العایسه نام کتابک تألفنه سبب اولان فخر
الامراء الکرام عمدة الکبراء الفخام مرحوم رضوانک
حضر تلرینک نسبیک اصول واجدادنه اتصالی
یقاروده بیان اولنان سلسله کبی مذکور اولوب بو مقامده
ایرادی تکرار و بلا فائده تسوید قرطاس دیمک اوله
جغندن برقاچنک ذکر یله اکتفی اولمشدر سوبله که
رضوانک بن جانبک عزیز بن رستم بن یشبک بن ملاک
عزیز ابی المحاسن یوسف الی آخره الله اعلم
وصلی الله علی سیدنا محمد وعلی آله
واصحابه وسلم والحمد لله
رب العالمین

اشبو کتاب مذکورک ترجمه سنه من غیر استحقاق طلبه
 علو مدن عن اصل نسب چرا که سنه دن اولوب ابوخلی
 اسماعیل صبری موفق اولوب قصوراتنک دامن
 انصافله ستر اولنمی تمنا سنده در غفر الله له
 و اولدیه و لاساتیده و لجمع المؤمنین
 و المؤمنات بحرمة
 سید الکائنات آمین

م

فی ۳ ربیع الآخر سنه ۱۲۹۰

طبع و نشری امتیازی صاحبیه عائددر

